

ZUBIETATIK

■ Jon Balenziaga

Bere txarrean, albiste ona

Abuztuan hasi zen Nihati buruzko auzi amaiezinak, azkenean, bukaera harri-garria izan du. Toshacken apustua eze-rezean geratu da. Galestarrak momentuz ez du Olentzeroren oparirik izango.

Bere txarrean, albiste ona da. Txarra diot taldea indartzeraz zetozen jokalaria bat, azkenean —momentuz—, ez delako etorriko. Hala ere, hobe horrela. Izan ere, auskalo zer gertatuko litzatekeen

Realak Nihat fitxatu eta debuta egin gabe jokalaria ebakuntza egin behar izan baliote. Peiremans, Corino, Collet eta Demetradzeren kasuak ondo gogoa dituzte realzaleak. Bestela ere, jendeak badu nahikoa kezka azken aldian eginitako fitxaketa guztiek ez dutelako behar bezala erantzun. Realak ezin zuen inolaz ere egoera horretan zegoen jokalaria fitxatu.



AMAILA ZABALO
Nihat, atzo, Poliklinikoan.

Zalantzarriagoa da Nihatek eta Besiktasek Realarekiko erakutsi duten jokabidea. Iragan asteazkenean hartu zuen min, eta jokalaria atzo esandakoaren arabera, Besiktaseko sendagileek eginiko lehen azterketan ez zen lesioa behar bezala ikusi. Talde turkiarrak ez al du asteazkenetik atzo arte nahikoa denbora izan Nihaten lesioa behar bezala aztertzeko? Jokalaria ez al zuen lesio horren berri? Nahita edo nahi gabe, iruzur egiten saiatu dira. Hori bakarrik behar zuen Realak; bestela ere, badu nahikoa lan talde txuri-urdirak.

ALAVES. Magno zigortuta eta Geli lesionatuta direlarik eskuin hegala moldatuko du Manek

Eskuin hegala moldatuz

Kanu eta Mara Zaragozaren kontra hasieratik jokatzeko moduan dira



MIREN SAEZ
Bogdan Mara.

Jon Rejado | GASTEIZ

Manek eskuin hegala errotik aldatu beharko du Zaragozaren kontrako partidari. Geli eta Cruyffen lesioak, eta Magno-ren zigorra dela eta, hamaikakoan toki handirik ez duten jokalariei aukera emango die Balmasedako entrenatzaileak, hala nola, atzoko entrenamendu saioan Kanuk eta Marak bete zuten eskuin hegala, Nigeriarra atzeko lerroan eta errumaniarra zelai erdian. Astudillok, berriz, punta-erdi bezala jokatu zuen.

Mara hamaikakoan sartu izan zen denboraldi hasierako partidatan, baina poliki-poliki

BOGDAN MARA

Alaveseko jokalaria

«Nire jokoa taldearen asmoetara egokitu da; egun ez dut pentsatzen nigan, taldean baizik»

aulkirako bidea hartuz joan zen, hala ere, entrenamendu saioetan taldearen alde jokatzeko ikasi duela adierazi du: «Lehen niretzako baino ez nuen jokatzeko, baina aulkitik asko ikasten da», onartu zuen atzo. Kanuk, berriz, etorri zenetik ez du inolaz jokatu partida hasieratik, eta hainbat neurketetako bukaera-

ko minutuak baino ez ditu jokatu. Aldaketa horiek azpimarratzekoak dira, batez ere kontuan hartuta Zaragozak ezker hegalean kalitate handiko jokalaria bat duela, Martin Vellisca. Hortaz, aldaketa horien eragina gehiegi sumatu ez dadin entrenamendu gogorra egin zuen Manek, behin eta berriz zuzenketak egiten.


Nigeriarraren tokian joka dezakeen beste gizonik ez du Manek, baina Mararen ordez, bali-teke Astudillok jokatzeko. Argentinarrak punta-erdi bezala entrenatu zuen arren, Jordi Cruyffek orkatila sendatzen badu eskuin hegalerari igaroko da, holandarrari atzo betetako toki-a utziz; ondorioz, aulkira itzuliko litzateke. Bestalde, Manek ez du aldaketarik egingo hasierako hamaikakoan. Bartzelonaren kalitatea zalantzan jarri zuen talde bera erabiliko du, Turiel Pablaren ondoan mantenduz euskarri bezala.

OSASUNA



Cesar Palacios hasieratik aritzeko moduan

Asier Legarda-ereño | IRUÑEA

Cesar Palacios igandeko beritasunetako bat izan daiteke. Jokalaria atzo ezer ez zekiela esan zuen, baina «une hauetan hamaikakora itzultzeak ilusio handia eragingo» lio-kela aitortu zuen. Kapitainak aldageletan giro ona dagolea nabarmendu zuen: «Sailkapenean gorago egonez gero giroa alaiagoa izango litzateke agian, baina jokalaria lasei gaudela, eta horri eustea ezinbestekoa da». Eta taldea bigunegia dela diotenei ere erantzun zien: «Oldarkortasuna ez da txartelen eta falten kopuruaz neurtzen, aurkaria estu hartzeko moduarengatik bazik».



Inchausti Estiloa LOGELETAN



Logela bat
erosiz gero
**ANOUK
EDREDOI bat
OPARI**

- Badago gauzak egiteko beste estilo bat. Inchausti Estiloa da.
- Badago etxea bizitzeko beste era bat. Inchausti Mobiliario-ren logelak dira. Beroak, dotoreak eta oso pertsonalak.
- Egiguzu bisita. Diseinuan, prezioan behar duzun irtenbidea dugu, hala nola merkaturako eskaintzarik zabalena: Arruti, Treku, Nueva Línea, Pianca, Brigitte Forestier, Zanette, Mercantini...

MOBILIARIO
INCHAUSTI

EN-1, Errekalde auzoa. DONOSTIA
Ternuko Arrantzaleak, 2 AMARA (ARCCOren ondoan)

Nabaritzen da estiloa

Aholkuak
Proiektuak
Instalazioak

Finantzaketa interesik
gabe: **24 hilabete**